

Language and Culture Fair APB Rembau 2021

NUR AINI ARIFFIN


Akademi Pengajian Bahasa, UiTM Kampus Rembau

Kaedah pengajaran dan pembelajaran (PdP) di institusi pengajian tinggi (IPT) negara berubah wajah daripada pengajaran tradisional berbentuk kuliah kepada pembelajaran maya. Pendekatan ini diambil bagi mengekang penularan wabak COVID-19 sekali gus memastikan sesi pengajaran dan pembelajaran dapat diteruskan tanpa perlu membuat sebarang penangguhan. Sungguhpun demikian, amalan norma baharu ini ternyata ada cabarannya, antaranya kurang interaksi dan penyertaan pelajar sewaktu kelas berjalan. Oleh itu, Akademi Pengajian Bahasa (APB), UiTM Cawangan Negeri Sembilan, Kampus Rembau telah mengambil inisiatif menganjurkan LANGUAGE AND CULTURE FAIR APB REMBAU 2021 sebagai salah satu wahana bagi merancakkan pembelajaran bahasa secara maya dan menggalakkan penggunaan Bahasa Inggeris dan bahasa ketiga dalam kalangan pelajar.

Bertemakan “Bahasa, Membuka Peluang Dalam Masa Mencabar”, program yang berlangsung selama empat hari bermula daripada 26 April 2021 sehingga 29 April 2021 ini buat julung-julung kalinya diadakan secara dalam talian. Seramai 132 orang pelajar Diploma dan Ijazah Sarjana Muda telah terlibat menampilkan bakat dalam pertandingan-pertandingan yang dianjurkan.

Pertandingan Bahasa Inggeris telah diadakan pada hari pertama disusuli dengan Bahasa Arab pada hari kedua dan Bahasa Mandarin pada hari ketiga. Antara pengisian program ini adalah: Ghombau Mukbang, Speed Reading Contest, Impromptu Speech Competition, Pertandingan Video Pendek Bahasa Arab, Pertandingan Penulisan Hiwār Bahasa Arab, Pertandingan Mandarin Vocabulary Challenge dan Pertandingan Kălă OK. Pertandingan-pertandingan ini telah dilaksanakan melalui 2 kaedah iaitu secara langsung dan rakaman video.

Majlis Penutupan Language and Culture Fair APB Rembau 2021 telah disempurnakan oleh Yang Berusaha, PM Dr. Soo Kum Yoke, Koordinator Akademi Pengajian Bahasa (APB) UiTM Cawangan Negeri Sembilan, Kampus Rembau pada 29 April 2021 jam 12.00 tengah hari menerusi platform Google Meet. Menurut beliau, walaupun berhadapan dengan situasi pandemik COVID-19 dan menjalani mod pembelajaran terbuka dan jarak jauh (ODL), namun para pelajar masih dapat melibatkan diri dalam aktiviti-aktiviti bahasa yang dianjurkan secara dalam talian sekali gus menyarankan agar program seumpama ini terus dijalankan pada masa akan datang bagi membantu mengasahkan lagi kefasihan berkomunikasi serta meningkatkan keyakinan diri para pelajar dalam mempelajari Bahasa Inggeris dan bahasa ketiga secara menyeluruh.



Ghombau Mukbang



Speed Reading Contest




Impromptu Speech Competition



Pertandingan Video Pendek Bahasa Arab



Pertandingan Penulisan Hiwār Bahasa Arab



Pertandingan Mandarin Vocabulary Challenge



Pertandingan Kälā OK